

四庫全書

集部

欽定四庫全書

御製詩四集卷五十四

古今體六十六首

戊戌十

大政殿六韻

一殿正中據十亭左右分

大政殿前建亭左右各五居首者為宗室王貝勒議政所

其八則八旗大臣議政之處 同心籌

上下合志立功勲

辛苦緬相共規模迴不羣世臣胥効蓋宗子更攄勤

太祖 太宗創業之始凡征剿皆命王貝勒統兵而行若親征則王貝勒扈隨分領軍隊宜力抒

忠是以 聞國語王 每用思 貝勒無不建軍功者

前烈誰當繼舊聞推

恩與旌雪

睿親王統衆入闕掃蕩賊氛肅清京邑尋分遣諸王追殲流寇撫定疆隅凡創制規模皆

所經畫即奉迎

世祖車駕入都定鼎以立萬世丕

基厥功甚鉅惟攝政多年威福不無專擅為衆所畏忌

於其薨後構誣傾陷因指敎衣踰制坐以叛逆定罪除

封削其屬籍時 世祖尚未親政故衆得逞私修怨

也子每恭聞 實錄載 太宗升遐時諸王推戴

請王即尊位王誓死不從輔立 世祖其後更以王

貝勒等多詭媚王而不知尊崇 主上嚴詞訓飭焉

以盡忠而于同母兄英親王阿濟格之違法妄行責其

非而降其爵王之蓋誠公正心跡炳然豈可令其抱不
白之寃於地下特降旨昭雪補入宗文復其王封仍予
世襲並為修建園寢追謚曰忠詔太常春秋祠祀又豫
親王西平流寇南定江浙實開國諸王戰功之冠乃因
係睿親王同母弟姪狄休累降封郡王致令勲績湮沒
未免遺憾亦勅復其親王世襲如故入禮親王以讓王
而兼倖伐鄭親王肅親王克勤郡王皆茂著壯猷克昭
跋烈載在宗盟顧其後之王號禮改為康豫改為信鄭
改為簡肅改為顯克勤改為平其子孫所襲皆非其始
封之字因命復稱原號俾其後裔承家襲慶追念祖功
共知效法亦所以風示宗族也又以此六王配享
太廟用昭展親酬庸之典且敬體我
宗締造之初心推
恩弗替云

奕世勵怨勲

閱射

大閱應同吉禮行停之閱射揀其精

大閱乃吉禮此次故未舉行而巡方

詰戎有不可廢况盛京為國家根本重地更當習射因擇其尤精者於宮門校閱並以行賞

詎宜故

國忘弧矢况是朝家舊法程命中挽強頻有獎耦升旅

進各無爭却因臂病疎斯事不覺於心略愧生

向閱射必親引

弓發矢俾眾觀瞻往往十中八九自臂痛以來久疎步射凡射耦命中未免慙然於懷

故宮即事

轉瞬忽經廿四年白駒隙與逝波川開疆拓土勉勿替

甲戌詣盛京適準噶爾輝特台吉阿睦爾撒納內附遣
使先至是時尚未籌及西師之役也繼因機有可乘乙
亥遂平定準噶爾己卯復平定回部拓境二萬餘里設
官分駐兵民墾藝安居耕屯相望商旅亦絡繹往來儼
如內地至兩金川木服屬土司乃敢負恩抗拒法不可
宥因而命將申討一舉剿平於其地設鎮安營以杜後
患凡皆仰體 祖宗創業之艱勉副守 保泰持盈慎
成之責亦實仰邀 默佑所至集勲焉

益虔蒙藉

前麻惟幸爾思量

重侍更潸然

癸亥甲戌丙至盛京皆於政宮侍 皇太后宴賦詩恭紀茲欲如前此之承

歡秦讒那可復得 追思不禁落淚

翻書擬欲遣煩緒其奈紛吾恨轉

填

燃霞綉觀書用舊韻

譯漢語即糠燈為盛京土物每來即燃之以觀書
不忘舊也

土障葛燈宜此物陳編枕肱夜堪稽軍書如緬
當年治亦似樵蒸

歆配藜

清寧宮再疊舊作韻

廿四春秋閱宮庭宛似前敢誇新拓地

甲戌至此為籌辦新疆之始也

亥夏平定詳噶爾已卯春平定回部拓地二萬餘里北踰伊犁西抵葉爾羌悉隸版圖耕屯相望并設官分駐商旅通行儼如內地而左右哈薩克東西布魯特以及安集延拔達克山諸部亦皆臣服實賴天庥

祖德岳佑云 惟疊舊承

天

祖蹟懷肯構

神禧欽奉筵

祀神為國家舊俗今坤寧宮每日祭神及春秋立竿大祭皆依昔年清寧宮之

例茲駐威京仍照癸亥甲戌兩次行祀神禮於此並召扈從之王公大臣及奉天吉林兩將軍入內賜食祭

內以受
鑿錫福
酌匏風樸素執豕罍精蠲不盡一心慕言將

六御旋蒙

庶如尚健重至待他年

文廟

我

太宗皇帝始朔大業即崇文重道建

孔子廟於盛京行釋奠禮開國規模已肇萬年有道之

長也

猶未干戈戢已興禮樂融

聖圖真廣大文教合尊崇
璧水恒論道泮宮每獻功
至今培正學比戶鬯儒風

遼城望月用唐文皇韻

呈象湧滄瀛見光先勅碣
桂樹吳剛修不放枝外綴
散彩麗霄漢示冲表盈缺
於時踰中秋廣寒徒念結
夙興偏宜觀漸向西林減

題仿楊補之三疊圖策即留置繼思齋

遼東曾鮮見寒梅攜得疎花幾朵開隨路秋風那吹去
先期冬雪幻飛來畫圖三疊何須較香色雙清喜共陪
留置芸齋還什襲無端防惹午蜂猜

於故宮用唐太宗幸武功慶善宮韻即效其體

真人興白水屢遷此開基

太祖初建都興京其後取遼陽因築城建宮室

遷居之名曰東京天命十年太祖以瀋陽形勝地西征明北征蒙古南征朝鮮路皆便易且採于山材木不可勝用又水多魚原多獸以時漁獵不可勝食乃定議遷都是為盛京規模遂大備矣

多景從

近遠

建號始於茲

太宗功德隆威混一蒙古征服朝鮮又得玉璽符瑞於是諸列勒大臣外藩蒙

古台吉及漢人文武各官奉表請上尊號再三請始得
俞允乃于天聰十年四月築壇德威門外即

皇帝位建國號曰大清改元崇
德遂 肇億萬年鴻業焉

復警興義兵鼓勇同趨

時蒙古稱北臣朝鮮質東夷入關據正統安民

勤文思勞每籌茅簷逸寧耽繡槐百年久昇平繼述子
所司眷言懷故京來巡遼水涓兵民誠富庶農桑帶郊
畿幾餘攬芸編因廢文皇詩

登鳳凰樓疊甲戌韻

風清日朗九秋時
嶽嶽層樓拾級披
此日繼繩欽

陟降

當年開創朔津涯
望氛久矣干戈戢
俯庶欣哉廓市滋
一瞬流年過廿四
再來乎否有餘思

寄題千山

千山勝景久薌哉
三度徒教寄詠迴
三臨盛京皆欲至而未果
本異

唐宗曾駐輦
相傳唐太宗曾駐蹕於此然彼以征高麗而過其處于三次皆因謁祖陵而來

事既不同且此地存僅為遼西以外邊廓
空傳丁令
今則為祖宗創業故都建置更不同也

有遺臺

山有仙人臺或
因丁令威得名

底須石洞花巖

皆千山
名勝

到原匪

探奇問景來却笑前遭泐崖處侵尋應已漶莓苔

盛京土風雜詠十二首

有序

我國家

發祥之初居鄂多理城地近吉林烏拉數世後棄而他

徙至

肇祖居赫圖阿拉爰創始基越我

太祖膺運造邦乃討平圖倫還定烏拉撫有葉赫諸部

遂遷居興京繼復克瀋陽遼陽因建都於瀋即今
盛京故盛京土風與吉林同譬之成周豐鎬風規
無殊沮漆也曩既成吉林土風十二章茲仍舉前
題為盛京詠亦數典所當遞及耳各題小引已詳
前作故不復綴

咸呼

漢語小船也

造舟周室昔為梁開國規模百務詳奢匪黃龍及青雀

利資雨泛與烟航製堅質樸提攜便

威呼到木為之水行可載三人登陸

則可挾之而趨或行窩集中遇小河港隨時可渡最為輕便

圓底平舷坐起康何必

樓船稱伐越威呼久矣武維揚

呼蘭

漢語竈突也

幽岐家室屢為遷時處恒依舊俗然水火每資叩昏戶
爨炊常看引朝烟疏風避雨安而穩直外通中樸且堅

哉中空之木刻使直達樹之簷外引出炕烟覆荆
筐其上以護雨雪而旁竅仍通滿洲舊製如此

玉食

寄言惟辟者莫忘陶復九章絲

法喇

漢語為扒犁即挖牀也

服牛乘馬取諸隨制器殊方未可移似榻似車行以便

曰冰曰雪用皆宜

似榻無足似車無輪以牛馬挽行冰雪中可以致速

孤蓬雖遜

風帆疾峻坂無愁銜極危太液挖牀龍鳳飾

液池冬日則御挖牀

其製有旄種幄及飾以龍鳳者

椎輪大輅此堪思

斐闌

漢語榆柳小弓也

桑弧蓬矢舉惟男示有事胥自幼諳榆柳為弓驛角未

荆蒿作箭雉翎堪

其名曰
鈕勒

二三鄉士節權略日夕兒童

戲以耽

我滿洲以射為重雖小兒
嬉戲亦習慣成自然云

即此箕裘應共勗進

之觀德更名談

寶斐

漢語匙也

有棊早是詠周雅異地同風古製存不改木為非玉作

常資朝食與晡飧

匙以木為長四寸許每食用之取其質也

失時巧計傳昭

烈投處仙方訝葛元何似兩忘供日用大東四脯足村

村

額林

漢語閣板也

橫拖木板置榻振家計精粗具畢陳

榻棟間度橫板以置餅盞匱篋諸器

家具精粗咸備滿洲舊俗比室皆然舉之以示淳樸

菽粟為文莫忘古雕幾作器

漫求新寒衣飢食勞中婦耕九餘三塵主人浴爾後生

勤數典更希寰宇普還淳

施函

漢語木笏也

枯木荒山那計年虛中貯水借天然

笏斯枯木為之因其自然虛中以受

貯水釀酒皆宜既化無用為有用亦見尚質之意

弗愁餅罄為壘恥可佐樽盛

用缶旋厨下風無慮落葉林邊雨尚憶鳴泉不材材際
全其質善注南華二十篇

拉哈

漢語圻牆所綴麻也

層層坏土砌為牆綴以漚麻色帶黃

築土甃坏為牆壁綴麻下垂緣之以

施圻墁亦國初模素故俗也

婦織男耕斯室處幼孳壯作舊風覆底

稱鑿遁顏家闔漫喻操嘻圻者王故俗公劉傳芮鞠九重此况慎毋忘

霞綳

漢語糠燈也

搏糠塗梗傳之膏繼日相資夜作勞

以蓬梗為幹搏穀糠和膏塗之燃以

代燭用資作勞開國 土障葛燈應憶樸
勤儉之風即此可見 駝頭鳳腦漫誇

豪未知勤讀鄰鑿壁且佐服田宵索絢此日舊宮試燃者稱先何異土風操

豁山

漢語紙也

漚苧弗殊用敝麻以為紙乃樸無華

樸敗苧故繁漚以
為紙製樸而性堅

猶存古
初遺意

不知有漢蔡倫合漫數

上聲

惟萊左伯嘉紀事傳

言胥貴寶銷金鋪玉那求奢卷筒金粟常臨帖

藏經紙
無招痕

者謂之卷筒較
經背紙尤難得

敢忘斯哉惕自嗟

羅丹

漢語鹿蹄踠骨也

鹿蹄骨非無用物以為戲亦有時需中原漫喻人人逐

一具還看面面殊

踠骨一具四面各異威者持四枚擲
之各得一面則為四色全即以此分

勝角偶語何須較土木采名乍欲擬臬盧帕格
請作哥漢

圓石擊真足方投石可用從來如此乎
之也

周斐

漢語榉皮房也

野處穴居傳

平聲

易傳

去聲

榉皮為室鮮前聞

榉皮厚盈寸取以為室覆

可代瓦旁作牆壁戶牖即以山中所產之木用之費不勞而工省乃我滿洲舊風無殊周室之陶復陶穴也

風何而入雨何漏梅異其梁蘭異椽占吉簷頭鵲常報

防寒牆角鼠還熏稱名則古惟淳樸却匪斐然周尚文

周斐本滿洲語對音書之非取文義若如方觀承之書鄂博作我較引較祭行路神之義曲為解乃夫之鑿矣

並滿文漢文音義各不同滿文漢文互譯則可取漢字以強合滿文則不可

盛京土產雜詠十二首

有序

盛京山川渾厚土壤沃衍蓋扶輿旁礴鬱積之氣
所鍾洵乎天府之國而

佑啓我國家億萬年靈長之

王業也是以地不愛寶百產之精咸稔於斯農殖蕃滋
井里熙阜而且瓌珍可以耀永嘉珉可以興文豐
義可以章身靈苗可以壽世矧採於山獵於原獻
於江不可勝食不可勝用稽古圖經志乘罕得而
詳焉余昔再莅陪都頌揚

光烈惟物產闕而未詠茲展謁

珠邱三至此地念夫豳風之陳衣食生民之溯藝植撫

百昌而昭大美亦述

祖德者所不能忘也爰舉十二事各紀以詩且系之引

具梗概云

五穀

地脉厚則穀寶滋黍稷稻粱菽麥之類植無不
宜畝獲數石而斗直三錢故百室盈而四鬴充

歲以為常

神臯五穀種皆宜后稷穡同有相之略異豳風躬耒耜
兼精立政詰戎師高原下隰秋常獲萬廩千倉歲可期

內地流民成土著胥吾赤子率聽

平其聲甚多畿輔山左咸京可耕之土

無業窮氓挈侶至者咸墾藝安居久之悉成土著日積日多雖于本地淳樸古風有礙然太平日久戶口繁孳藉此以養無窮黎故向有禁之之例而未嘗嚴飭也

東珠

東珠出混同江及烏拉寧古塔諸河中勻圓瑩

白大可半寸小者亦如菽願王公等冠頂飾之
以多少分等秩昭寶貴焉

出蚌陰精稱自古大東毓瑞未前聞混同鴨綠

二江名圓

流夥合浦交州獨產分取自珠軒供賦役

採珠者乃打牲烏拉包衣

下食糧人戶合數人為一起謂之珠軒以四月乘舟往至八月回各以所得之珠納之於官如供賦然

殊

他番戶効殷勤緯蕭亦識留名喻沽譽難更舊制云

人後

深山邃谷中獲株滋茁歲產既饒世人往往珍

為上藥蓋神臯鍾毓厥草効靈亦王氣悠長之

一徵耳

輿壤靈區產草神三極五葉邁常倫即今上黨成凡品

自昔天公葆異珍

昔陶弘景稱人參上黨者佳今惟遼陽吉林寧古塔諸山中所產者神效

上黨之參直同凡卉矣

氣補那分邪與正

人獲固能扶羸濟弱然余謂其助正氣即助邪

火而人多思藉以滋補每受其害而不悟亦足嗟矣

口含可別偽和真文殊曰能

活能殺冷笑迷而不悟人

松花玉

混同江產松花玉色淨綠細膩溫潤可中硯材

發墨與端溪同品在歙阮之右

長白分源天漢江

混同江發源長白山國語曰松阿哩江松阿哩漢語天河也俗呼為松花

江而金史乃有宋瓦江之稱皆音轉之訛耳

方流瑞氣孕靈厖琢為硯佐文

之煥較以品知歛可降起墨益臺功有獨匪奢用樸德

無雙昨來偶製龍窰譜竇重三朝示萬邦

近集內府所藏舊硯繪圖

系說輯為西清硯譜而松花玉硯則擇其曾經

皇祖皇考題識及余所銘詠者入之

貂

烏拉諸山林中多有之索倫人以捕貂為恒業
歲有貢額第其等以行賞冬時供御用裘冠王
公大臣亦服之以昭章采

東瀛物產富難詳美毳尤稱貂鼠良食喜松皮和栗實

色惟重黑乃輕黃

貂以豐厚純黑者為上紫次之黃又次之毛潤澤而香則以喜食松栗之

實政也

蚤談敝因蘇季子狗盜獻嗤齊孟嘗狐白那堪相

比擬名裘黼黻佐朝章

貂裘可作常服三品以上大臣及京堂翰詹官皆得用之若為

端罩惟以供御餘則皇子諸王亦得用為朝祭之服

鹿

地多崇山茂林鹿蕃息而肥脂麋鹿尤他所罕

覲扶餘之鹿所以稱美唐書也

長白山神山夏育夥

鹿以四五月遇雨生麋交以八九月

攜麋就暖出林窠

長白山崇地冷鹿以夏月中避炎至秋冬乃成羣就暖向咸京圍場而來

取之無盡用不

竭賜以有常受者羅

將軍等冬日行圍所獲鹿鹿山積擇其肥者以進歲率千餘年節頒

賜羣臣羅列充庭受者如拜割解之惠焉

抱樸稱來經目少趙高指處戒心

多分明角解非同塵月令傳文早定訛

月令謂仲夏鹿角解仲冬麋角

解今試之則木蘭之鹿與吉林之麋無不解角于五月
已知月令之訛後見南苑所畜之麋實于冬至始解角
蓋古人不辨麋與鹿耳經文不可易因改
正靈臺時憲並為鹿角解說以訂其誤

熊羆

盛京多窩集茂密翳翳連林數十里熊羆每踰
伏其中熊趨捷而羆憨猛皆獸之絕有力者甲
戌行圍並曾殪之羆重千餘斤熊亦及半

小者為熊大者羆惟東土始逢之

熊各處皆有羆惟吉林盛京始有他

處所無也蟄時居穴或居木

熊羆冬今皆入蟄不食熊小或居木孔羆大則居穴也

夢

裏得祥必得兒力士刺須十始勝

刺虎者不過五人一
排向於咸京園中使

力士刺熊照非十人不
能勝蓋其力倍于虎也

封駝負覺一難支獸哉何自解

人語異苑徒傳子路奇

堪達漢

堪達漢出黑龍江似鹿而大其角可作射鞞色

如象牙而堅白勝之鞞間環以黑章一綫即角

中之通理以點細密而勻正者為最

音義率同爾雅麋

爾雅釋獸鹿絕有力麋音義均相近
而麋字佩文韻未收今據廣韻用

鹿中絕有力頎然垂胡因以樊纓比

堪遠漢國語馬樊纓也是歌項下聽

肉相似因以得名

戴角猶勝象決鷓履如迅行如蹴雨逢岡遲

進似騰煙

是歌生山中而喜水行水則速行山反遲亦異聞也

和聞玉鞞夥新詠

嘗命玉工仿角鞞琢玉鞞為之從和聞歲貢美玉每擇其精好者製為鞞屢有題詠

數典於斯未

可捐

海東青

羽族之最鷲者有黑龍江之海東青馬身小而

健其飛極高能擒天鷲搏兔亦俊於鷹鷂

鷲鳥從來有窟窠海東青窟鮮逢他

鷹雕皆有窠巢多
絲峭壁為之人不

能上惟海東青
從未見其窠也

徒傳飛至滄瀛左亦自投於叢樾羅鵑

骨雕周早輸健蠅營狗苟底須多禽中虎也却愁燕演

雅名言可會麼

板耕錄載演雅言海青羽中虎也燕能
制之羣集緣撲即墜云云以小制大物

性往往如此亦猶
騰黃啖虎之類也

鱣魚

盛京之魚肥美甲天下而鱣鯉尤奇巨口細睛

鼻端有角大者大計可三百斤冬日輦以充庖

備賜亦有售於市肆者都人分鱠之目為珍品

物巨其中目小者可知賦性必良馴即如雪象殊常獸

自合江鯉異別鱗躡岸釣難投美餌鑿冰射要繫長緡

魚出黑龍等江非釣所能得捕之者以網圍至岸邊伺魚首向岸攬強射之魚負痛一躍而上既至陸地即易于掩取冬日或鑿冰以捕則 頽然陳處欣兼惜倍勝推必繫長繩於箭以掣取之

牛饗衆人

松子

松子諸山皆產而窩集中所產更勝蓋林多千

年之松高率數百尺枝幹既茂故結實大而芳
美亦足徵地氣滋培之厚也

富集林多各種松中生果者亦稀逢大雲遙望鋪一色

寶塔近瞻湧幾重

松子生松塔中其形下豐上銳層瓣鱗砌望之如窳堵每瓣各藏一粒既

熟則瓣開而子落

鱗砌蚌含形磊落三稜五粒味甘濃僣佞曾

遺

去聲

堯弗受小矣子房學步蹤

溫普

溫普國語譯漢語書之山中果也形似櫛味甘

而酢或借榘梲字書之考花木記以榘梲為梨
別種則徒取音近固不相類耳

山果還將山蜜浸

去聲

大於北地小於南

關內山糖大如彈丸製之可供

糗核關外如熱河一帶之山楂小不及半亦不中食咸京所產溫普大小介乎二者之間蜜漬之可以致遠

實成露結而霜降味合梅酸與蔗甘可口已教述莊子
狀形却覺漏稭含地靈氣厚誠

天府動植飛潛物普覃

題永安橋

向多沮如盛京西百廿里修道似隄

盛京城西至廣寧向多沮如行旅頗

報

太祖初定瀋陽即命修築壘道一百二十里

更建坦行永安約

崇德六年太宗

又於此建永安橋自是坦行無阻

遂教直接廣寧蹊

當年師旅資捷伐此日農商受福禔

有舉胥為奕世計經過惟壘繼繩兮

廣寧途中對雪

癸亥歸興冬對雪今番雪對季秋時可知關外偏饒冷
且喜途中不負期近向遙山遍皴染斜珠亂片正紛披

此間宿麥原無種

關外地氣較寒不似關內之佈種秋麥無藉雨雪滋培而此時關外之雪

在關內尚當作雨但未知畿輔各屬曾一律均霑否耳

却為京畿繫遠思

登澄海樓望海疊癸亥舊作韻

包括乾坤轉復旋
齷齪孰得測濛濛
憑樓有興重斯日
浮渤無邊遠接天
誰見滄桑經變幻
虛傳壺嶠隱神仙
俯臨惟羨廓然量
何以從容納百川

登澄海樓再疊前韻題壁

寰區實廣矣環以斯渤溟
章亥已迷步河伯徒歎盈
俯

近無雙白望遠惟一青三登廿五載所幸時均亨獨惜

失妙蹟仙班懷昔瀛

癸亥年初登澄海樓張照梁詩正
扈從聯句因命照書之壁間字勢

雄秀雅與題稱今樓壁依然而妙蹟已失用深惋悵
張照有瀛海仙班印撫今追昔不能不以此興懷耳永

希弗揚波萬國朝皇清

澄海樓聯句

乾隆四十三年秋展謁

祖陵蹕途出入俱由山海關迴鑿因登澄海樓距甲戌

之臨雖越二紀而澄瀛勝槩憑覽依然因命于敏

中梁國治再疊前韻聯句詩中禁體亦循曩例也

御製歸墟日為納尾閭日為傾納兩無竭

墟閭互相盈遠禪或彷彿邃古疇經營前巡閱二

紀

臣于敏中

御製疊至臨層覺憑軒望蓬島迴輿辭陪京壁惜張蹟佚

乾隆八年聯句詩命張照書壁神采飛動足珍十九年重臨蹟尚存今被俗人巧壁毀之實覺可惜所存惟汪由敦更書上石者耳

碑撫汪體更界垠瓊閣疎

聯藻標霞擊聲臚紫極動

臣梁國治

御製

目迴青霄崢嶸橫陳接雲宇直入餘石城

秦時長城入海里餘俗稱

四十里者偽也

爾時如何築

今域皆來并連山險寧恃聚米覘逾明遼矣廣軸

振

臣于敏中

御製

蒼然圓塞振噴雪白非晦

釋名海晦也主引穢濁其水黑而晦

斂日黃

徒轟

郝經詩忽憶黃河轟斂日

朝夕信弗舛

宗都量以成珠胎孕靈蚌金背騰橫鯨出素屑霜

采

臣梁國治

製御

升旭輝若英地脈綿永劫陰火然恒晴樓臺氣吹蜃

村舍居羅靖

用呂覽海上有好靖者所居靖至之事

望秩昭胥蠻卜

祠煥晶熒

聖駕出關後二日即北海之神並

勅疆吏於樓旁度地興

度

祠宇

景象條紛集

臣于敏中

製御

端倪自全呈東南坦崖塹西北拓安貞周環識體大

噓吸通乾行搏風莊叟喻志怪齊諧評有經驗博

物

臣梁國治

御製惟錯徵舍生尋仙鄙徐福運杼孰祖塋北史祖塋嘗語人曰文章

須自出機杼三番詠一韻可以命歸程

題夷齊廟四景疊甲戌舊作韻

孤竹城

秋蹕恭因謁

祖陵途經孤竹舊聞名夢傳太守雖隣妄寰宇記引隋圖經云漢靈

帝時遼西太守廉翻夢人曰余孤竹君之子伯夷之弟
遼海深吾棺願見藏覆明日果見浮棺於津際乃為改
葬云云其說荒唐不足信今志載府城西北祠奉邦人
有三塚其一即次君塚蓋國人所立中子也

實近情

揖遜堂

堂額依然揖遜題
代商叩馬事堪稽
殷周往蹟胥歸幻
伯叔令名孰與齊

屈蟠松

諫武其人性本松
故應千載蓋陰濃
言之不足圖形去

古松偃折可愛甲戌經此
曾圖其形以歸并系之詩
幸復今朝覲面逢

清風臺

高臺瞰遠據中洲灤水溶溶臺下流此地已欣清不了
松風更與唱而酬

寫夷齊廟偃松圖并題以句用做蘇軾偃松圖韻
夷齊廟別廿餘載門前偃松蒼不改性以蘇法寫其形
是一是二呼之在松乎松乎兩弗知蘇與夷齊都合詩
舍三乾端與坤倪歷萬劫此寒濤吹

偏涼汀即景

橫山佳氣擅灤州勝弗以雄祇以幽廿四年心中企者

隨緣一日暢來遊

堯峰峻挺水滌洄步入林亭
磻戶開却指灤江滑笏處

清風臺下先

去聲

子來

山容水態柏深秋前度詩情一瞬
道設謂橫陳若屏障
畫家應是李營邱

偶然小駐惜前移偏喜涼風滿意
披咨爾扈行牧民吏
戒貪作法合如斯

聞京師得雨雪誌慰

月餘霑澤未經聞驛遞傳宣致問勤

前因京師自八月初旬至今未據總

理王大臣等奏報雨澤情形曾郵諭詢問初雨旋稱繼飄雪微霽此看祇同

雲

茲據王大臣奏京城自十七日巳時微雨飄灑未時以後雨勢漸稠入土寸餘至十八丑時雪勢綿密融

積共三四寸不等目下即屆立冬麥苗盈野得此倍獲滋培之益云云昨途次雖凝望同雲惟微霽時飄耳

邊關本冷麩弗種

近關地氣稍寒向不種秋麥此時雨雪皆非所盼也

京縣應時

麥始芸兩地各宜慰一旦無欣際亦為農欣

往

盛京恭謁

祖陵禮畢迴鑾進宮之作

東臨故國仰

前徽益切守成凜萬幾出警行行為入蹕秋陽冉冉變

冬暉

時己
立冬

六驄安吉適應稅兩月光陰迅若飛返必面

今誰與面

壽康徒自叩

空聞

孟冬時享

太廟禮成有述

陪京返時馭

清廟舉冬蒸惟切奉

先思敢忘

開創曾無文六英樂

八奏

南郊樂九奏

宗廟樂六奏禮也

北郊樂

不

和太羹鐙繩繼萬年願惕乾一意兢

微雪

十月廿七日

入冬微雪兩三逢此番

去聲

頗欣雲勢濃稷粒落來看已

化墻陰纔得指餘封對時惟願滋郊麥助景那因幕禁
松傍晚寥空旋開霽依然失望祇無悰

恭祝

皇貴裕太妃九旬壽

令辰正值一陽旋遐算堪徵幾度繇百載

宮闈固多慶

九旬介壽此初傳

宮中太妃等曾慶七旬八旬者
有之若九旬則此為初見云

今而

視

昔寧無爾忻以為悽合有然強笑不妨作慰語莫須更

憶曩隨肩

太妃為吾弟
和親王生母也

題仇英水仙

傍依文石俯清泉香色晶晶總淨娟院體不存餘士氣

英畫多類院體此頓獨有
士大夫氣乃其傑作也

畫中悟得小乘禪

何妨玉瓣與金心風度應於意表尋子固高標細模擬

墨林為贈是知音

畫做趙子固法款作寓贈墨林蓋
因其素屬賞鑒家故倍加精妙耳

詠舊澄泥鐘硯

模削誰成几上賓
洪鐘作式出陶均
設如洞理文流響
七名疇為待扣人

冬至

南郊禮成述事

子月陽回正子時

是日子正初刻一分冬至

由庚

大祀益虔寅

是日為庚寅日

躬承

禮久心彌懼治未臻
安愧自知仰籲金堤
茨相固

豫省祥符

儀封兩處堤工漫口較大特命高晉選派南河諸習下
歸將備等董率前往會同欽差袁守伺及河撫諸臣堵

築先據奏稱約計十月廿五廿八兩日次第合龍昨奏
近日祥符壩腰復有墊塌請展限十二日雖允所請而
盼望愈切惟仰祈 天佑俾得如 更希玉雪麥苗滋
期竣事庶工固民安予心藉以稍慰

陪都近悉開基始

天眷惟叨勉繼思

山東巡撫國泰奏報得雪

微霰雖經兩三遇未成分寸望方勤不期一牘當晨閱

却以全齊報雪聞東重西輕澤斯遍

國泰奏濟南省城
于十一月初一日

亥時至初二日丑時得雪三寸並據濟南等八府屬報
於同日得雪者四十三州縣自二三寸至盈尺不等省

東各屬較省西尤優

此無彼有慙

去聲

誠殷亦知時日猶堪待惟是

先憂吾夙塵

題摘藻堂

全書收四庫薈要稭其精事自己已兆

命詞臣校勘永樂大典並蒐輯

遺書分別應刊應鈔應存目三種景為四庫全書復於應鈔之中擇其尤精者錄為薈要列架弄摘藻堂內以備臨總閱覽此堂原為御花園貯書之所自己已秋即命以經史子集四部分置並有詩蓋已為之兆矣

今戊戌成

薈要錄於癸巳夏至今戊戌始藏工

於焉適枕蓆亦欲勵尊行

設曰資摘藻猶非識重輕

河南巡撫鄭大進奏報得雪

入冬甘雪未優霑日甚顯祈意弗恬接報五時密霽落

積稱三寸大田瞻

鄭大進奏豫省望雪頗殷今開封省城於十二月十一日自辰至申雪勢

綿密因天氣和暖隨落隨消入土一寸仍積厚二三寸不等土人咸稱兩年未得此深厚臘雪今幸優霑來歲麥收可期豐稔云云此次臘雪之果否利麥尚未能遽信然災地得濕時實覺奏稍慰今京師盼雪甚切而市中麵價頓昂現發官麥於各舖戶減價出糶以平市值若更得即霑厚雪則麥麵價當日減如明歲豫麥果豐商運流通接濟庶於災區也慰尤切撫近畿斯望更魚果利麥乎疑信半即今價已湧閭閻

己亥春帖子

一歲兩逢春去陳來者新最欣寅月節氣啓正於寅日

寅正三刻

一分立春

干應土之柔朝來出土牛耕犁興稼穡執豕祝登秋

鴻龍轉月將臨泰青鳥司時欲變寒蘆菰芹芽無所用

兩年曾未薦

春盤

山西巡撫巴延三奏報得雪詩以誌事

得雪日原同豫省較來分寸更為優遍霑欣逮傍州縣

深護真滋宿麥薶

已延三卷十二月十一日省城自卯至申得雪三寸並據太原平陽汾州

潞安蒲州澤州大同朔平寧武各府暨平定解行遼沁忻霍等州屬俱報于初六七及初十十一等日各得雪

三四寸至六寸八寸不等各屬均霑優溼麥田得此臘雪滋培甚為有益云云且省城與河南同日得雪千里

同雲分寸較為優溼澤在春前為彼慰望經臘半切茲愁曉陰披


牘希波及

京師盼雪甚殷今早已延三奏到時正值濃雲密布冀得亦被甘霽乃干間忽復晴霽益

切恨望耳孰謂濃雲卓午收

戊戌除夕

守歲遍天下宮中殊所為張燈都罷彼徹樂兩經斯信
是流光迅那堪往事思泠泠漏聲裏漫問夜何其



御製詩四集卷五十四

欽定四庫全書

集部

御製詩四集卷五十五至
七

編修臣 初喬齡覆校

總校官編修臣 程嘉謨

欽定四庫全書

御製詩四集卷五十五

古今體六十六首七
己亥元旦

己亥元旦

喜爆聲中淑氣宣
溫暾初旭又新年
朝乾夕惕從茲始
雨較晴暈自昔然
恰值元正書絳縣
仍希甘露被銀田
魯論久敬言堪味
望七敢逾此意虔

元旦試筆

東皇佈氣報初青品物都教堯色形淵獻詎惟嘉獻可

屠維更以切維寧有虞舊典猶應待

余夙願至八十五歲即當歸政應於

乾隆乙卯元日下詔
詎其時尚十六年

西漢新儀已再停硃筆綵牋依例

試耽吟結習得權聽

旋轉璿璣信有神奉

天勤政又從新開科苑樸忠多士

來歲為余七旬萬壽
預勅不行慶典第念

士子志切彙征不免想望恩澤因詔開
恩科於己亥八月鄉試庚子三月會試

截漕官糧富萬

民丙戌歲曾普免直省漕糧一周茲亦因來歲萬壽加
忠萬民詔於庚子為始分五年輪免七省全漕一次

百姓足斯君亦足三陽春與物皆春太和王會殊元載
丙辰為余御極初元曾御太和殿受朝茲不宜引以為
比因仍照上元例停止升殿朝賀凡朝正外藩立勅停
免其兼內廷行走之內札薩克蒙古王公至者
亦分別御前乾清門班次於年節前後遣歸 仍罷朝

正來雁臣

題白玉雲龍如意

說卦乾為玉上經九象龍曰飛在天見相應自雲從可
識意如願端因德有容春祺徵吉語歲美冀宜農

李士達歲朝圖

豐年景自煙村見衣食麤完具蓋歲梅朵芳菲報春信
柳條搖曳漏韶光招呼東舍西隣近戲耍騃童稚子忙
獨有圍爐題句者屠蕪最後飲猶強

降旨加恩去歲豫省被災州縣詩以誌事

豫民去歲實堪憐二麥無收望黍田

河南自前秋及去夏缺雨二麥未收

至六月得雨後趕種秋禾翼可稍資接濟而儀封考城一帶又值黃河漫口以致數郡復被水災尤深憫惻

其奈大河忽漫溢頻教數郡受迤邐截漕發帑救何靳

豫省漫工較大被水之地亦多特命大學士高晉董率南河諸習埽工將弁等馳往工所督視堵築又命尚書

袁守伺前往董稽辦料查災諸務先後截留南漕並該
省新漕三十萬石又撥兩淮鹽課銀一百萬兩近復撥
部庫銀六十萬兩俾賑恤有資民皆得所茲復念賑期
將滿正值青黃不接災黎餬口維艱因再加恩將儀封
等十州縣被災極重者加賑兩月次重者加賑一月俾
口食不致缺乏其被災較輕處酌借口糧籽種以資
耕作地史朝臣忠俾宣災重賑期慮猶迫加之次第旨重
傳

命加賑湖北上年被災州縣詩以誌事

楚省每多熟

諺曰湖廣熟天下足

上年亦被災早先繼以潦

上年湖北

漢陽各府屬夏禾被旱入秋漢江盛漲又被淹浸災分較重前經降旨給賑茲春耕已屆缺食堪虞因再加恩

將成災之江夏等十八州縣及屯田坐落各州縣之武昌等九衛極次貧民各加賑一月其無庸賑各州縣衛亦令該督撫等酌借口糧籽種俾得盡力南畝以待麥秋

食缺總堪哀加賑遑卹

矣對時益慊哉隣封思過糴

先是湖北被旱成災米價漸長該督撫等咨商川省

川督文綬奏請於水次州縣各倉內撥穀二三十萬石碾米運楚應用意欲以官運倉穀塞責實則禁獲闕之米不令得販隣封非特楚省不能接濟即江南下游向來仰給川省者當昨歲歉收之際更復何所取資所見意存畛域事同過糴豈朕一視同仁之道因傳諭文綬令其將水次倉穀碾米徑運江南而楚省商販則出令曉諭產米各屬聽其照常轉運無得阻滯即途經楚省之米亦諭令三寶陳輝祖等任其販運各處售賣毋稍抑勒總使米穀一律流通江楚各省並得源源接濟無虞乏食

申飭救汙菜

新正重華宮

書屋青宮貯舊編
新正一至未宜捐
華牋挾筆憑七字
綵服稱

觴罷兩年學業商
量豈有進勤勞

獎藉絕無憐
祇希十六春秋閱
寧壽移居圖息肩

詠和闐玉喜鵲杖頭有序

昔漢高帝與項羽
戰敗遁叢薄中羽
追求之因鳩
鳴其上得脫
即位後故刻鳩杖頭
以賜高年我國

家

發祥之始立國於鄂多理城其後國人叛戕及宗族惟
幼子適於荒野會有神鵲止其首追者遂見疑為
枯木遂獲免於是德鵲誠後世勿加害其事與漢
高頗相類茲仿鳩杖之意製玉鵲於杖端以表其
瑞彼為應劭風俗通所載僅云得自傳聞我朝則
實錄所紀事可徵信且闡珍充貢用識昌符而鵲靈亦
勝於鳩拙取義益宏遠矣

飾杖鳩頭例可皆彊彊形似噪啣啣一般扶老稱靈壽

祝噎何如報喜佳

續漢書禮儀志云仲秋比民之年七十者賜之玉杖杖端以鳩為飾鳩者

不噎之鳥也欲
老人不噎之義

祈穀齋居

新正哉生魄

六日得辛初三日即致齋

遷坐居齋宮本是徹懸久而

值易服恭

二十七月之內常時仍素服遇大齋則易吉服所以致敬也

為民祈農祥

守禮敢從躬自我望雪來忽忽過三冬昨知晉豫霑屢

沛復山東奈何畿輔間曾未時霽逢茲當

祈年殿大祀對

昊穹事簡益幾勅

恩籲增心顯晚宇佈春雲曷惠六花濃

命加賑安徽去歲被災州縣詩以誌事

於豫安徽處下游奪隄賈魯漾洪流

上年河南畿封祥符二處黃水漫隄

由賈魯河下達淮河安徽之亳州蒙城被水尤重其隄陽潁州泗州一帶州縣以地處陝省下游亦間被淹浸

旱傷禾黍已嗟苦澇浸田廬更為

去聲愁

去夏上江各屬缺雨早禾多受

損傷至閏六月得雨後補種秋稼正望稍資補救不意上游黃水漲溢田廬又復被澇

蠲賑兼施

亟圖救展加一再概從優無遺寧濫俾均逮初閏鶚元奏報被災

情形節經降旨命該撫率屬切實查勘蠲賑兼施茲屆東作方興災黎口食尚艱因再加恩將災重之亳州蒙城二州縣極次貧民俱加賑兩月其次重之阜陽等州縣衛貧民無論極次俱加賑一月其餘無庸加賑地方並令該撫酌借口糧籽種分南望邗紆午夜憂別安辦寧濫毋遺俾均沾實惠

題宋端石鳳池硯

鳳池硯合玉堂用草制誰能公且平
蘓軾寧非正人者
鄙他劄子自稱名

唐始有知制誥至宋而其權益重凡除拜謫免皆有

制詞陳長方步里客談載蘓軾作責呂惠卿詞語人
曰三十年作劄子手今日方剛得一有肉漢吁是何
言耶不幾以九重之絲綸為一身之報復乎夫軾正
人也視草時尚欲快恩讐之私以擅榮辱之柄其他
尚可問乎蓋權者上之所操太阿不可倒持雖文字
為空言而褒貶是非所繫綦重亦未可輕忽我國家
一掃歷代陋習凡文武遷除皆無制詞惟外任大員
得給誥勅第視其品秩明訓數語即覃恩封誥亦各

有成文並論官不論人司事者無從高下其手實萬
世不易之良法也

回玉行

回地既已歸版圖回玉斯宜供賦稅春秋撈取乃在川
亦有產山品稱次取之川者歲為常採諸山者實偶致

以其重大艱運行

密爾岱山玉潤澤雖稍遜河中所採
而其質較大向因製造特磬專員往

採得大玉約重三十餘斤由冰面拽運輦致
京師琢成大玉甕曾集內廷諸臣聯句紀事質潤更遜

受水氣然而採取胥命賞駐彼大臣司有例官賞自不

如私售遂至奸商施巧計回民貪利亦其常知而弗禁

奚求細

採玉必役回人因行賞以徃其勞而其山即勅封禁駐劄葉爾羌大臣司其事然回人貪利復

有內地奸商潛賣重賞至彼私售故蘓州新製玉器多有白而大者此固所司未能嚴密周防或并藉以分肥

餘潤俱未可定因其事為市肆貿易之常故向未深究

商則可耳官豈可大臣為

之誠異事

奸商射利偷販常情也乃高樸以駐劄大臣竟與奸商勾通盜賣先請開採爾岱山即

役使回人三千餘至山採取獲大小玉料無算潛遣家人運至內地與奸商張鑾在蘓州製器私賣已售銀十

二萬餘兩而由陝甘續運玉料又四千餘斤其在葉爾羌存積及埋藏之大小玉料復計數百塊竟以官山所

產之玉視如己物明目張膽舞弊營私實出情理之外為從來貪賊者所未有其罪實不容誅矣

幾至

激變如烏什怪哉創見肆無忌軌法諸人正典型受苛

回民普加惠

前此素誠在烏什苦累回人致有激變之事素誠亦被害隨派明瑞阿桂督兵剿捕

半年始得復平今高樸在葉爾羌勒索回衆金銀珠寶賦數累累又多派回人抹玉私售回衆無不怨憤經阿奇木伯克色提巴爾第列款呈首永貴據實入告事始敗露倘再擾累經年葉爾羌回衆憤怨益深必致激生變亂更有甚於烏什者因諭永貴將高樸及通同作弊之伯克阿布都舒庫爾郭普爾嚴訊明確即於該處正法示衆其派往抹玉之回人并令查明免其明年應納之稅以示體恤高樸罪案總非意想所及若鄂對不死綽克托不換其事尚未必破至於鄂對故後高樸因與鄂對交好請令其子鄂斯滿代為伯克子以回疆伯克專管一城若令父子相繼乃類唐室藩鎮之事因調色提巴爾第往彼而令鄂斯滿為喀什噶爾伯克至綽克

托年滿將換適永貴因市恩李淑芳復隴派令往代彼時並非欲令二人往查高樸之事也而竟因更換得辦此事實賴上蒼眷佑默相桓寬鹽鐵論雖迂未能予衷誠有不期然而然者矣

捐斯吾亦愧

命加賑甘肅昨歲被災七州縣詩以誌事

民貧地瘠是甘涼加賑年年例若常災弗十分斯已幸

甘肅地土饒薄生計維艱往歲每被災傷加賑竟如常例昨歲皋蘭等州縣夏間缺雨雖不致如常年之十分成災然地瘠民貧尤宜軫恤昨已命該督等切實查勘賑恤兼施茲復念春正賑畢民食維艱因加恩將災重之皋蘭等七州縣展賑一月其災輕各州縣春耕借種並令該督等酌借籽種口糧俾得藉資耕作

上聲
更教詳

降旨加賑江蘓昨歲被災州縣詩以誌事

下江災較上江輕民亦艱哉心亦縈西以雨遲旱已定

東因湖洩滂兼成

上年江蘇上元等州縣衛夏間得雨過遲各高阜處所因有被旱者而高

寶一帶又因豫省漫水入淮以致洪湖驟漲開壩宣洩下河低田復有被滂者

普教一月新期

展未至十分舊例行

該省前歲秋成及上年二麥均屬豐收即一隅被旱尚不至拮据而

下河被水之處亦不及河南安徽成災十分向例成災十分始加賑兩月第念青黃不接之際口食堪虞因加恩將江浦等三十六州縣及鎮江等五衛八九分災之極次貧及七分災之極貧各加賑一月裨資接濟其餘

各州縣並令該督撫酌借時若難逢敢靳惠誌詞惟益愧
籽種口糧牛具分別辦理

慚生

祈穀禮成述事

與祭由來重以躬上辛

祈穀致欽崇悉新

大享迓新社苑茂顯希

惠茂豐

是日
辛卯

雪澤依然待田畝河流仍冀固隄工叩

恩冬至茲春孟曰惕曰慚並切衷

昨歲冬至
大祀時因豫省

漫工
南郊

久未合龍又值京畿盼雪甚切曾有仰籲金隄芟捆固
更希玉雪麥苗滋之句今祥符漫口雖已堵閉儀封則
合而復開現尚未得合龍之信且自十一月以來山東
河南山西俱屢報得雪而京師及畿輔至今未渥時竇
顯待日殷益慙且懼惟度中
誠悃祈邀 吳蒼佑貺耳

降旨加開恩科詩以紀事有序

詠茂樸於作人壽考式徵其盛美萋梧於多吉純
嘏彌叶其常溯壬申之特舉

恩科用錫

星周之介祉迨辛卯而三循令典咸增雲集以臚歡惟

來年八月之中屆朕躬七旬之慶本冀庚辛遞演
敷天共

九袞以祝釐何期歲月不居愛日致寸誠之抱憾顧予
懷未遂忍教羣頌臺萊而士願待酬宜令衆占茅
茹四番加試俾甲乙仍按春秋兩榜迭開若貞元
之啟亥子既沛興賢之詔更成書事之篇

本懷

慈慶未能遂忍受諸臣慶七旬仍以開科移己亥不禁

往事憶壬申

壬申為

聖母六旬萬壽始開

恩

科後屆十年一行已三舉盛典庚子為予

七旬歲因本願未遂不忍復受臣民慶祝惟念士子咸望朕七旬萬壽開科又不宜虛其所願因詔加科以已

亥秋鄉試庚子春會試

酬他望澤殷多士況此施恩在作人秋榜

春闈循次第惟期濟濟得材真

降旨免各省漕糧詩以誌事

有序

則壤成賦普蠲已至於三徹田為糧全免亦周其

一盖儲穀在下無殊儲穀在官而藏富於民何必

藏富於國念耕餘之制用曾因卅載而通準乎惠

於施生又越十稔以外明年屆朕七旬開裘之歲
爾時實我萬民倖澤之辰雖在予未遂初衷不忍
允行慶典而以彼各懷隱願豈宜靳沛恩膏惟

鴻貺之疊膺非歎以乏迺羣情之曲體俾盈且寧爰詔
從庚子為權輿再輸蠲七省之輸輓撫太倉之紅
積久已陳陳相因籌部屋之素封自爾多多益善
大號斯渙長律用成

正供一再已加蠲

各省正賦曾於乾隆丙寅庚寅丁酉
降旨輸免三次七省漕糧則於丙戌

歲為始普免一周合之
此次亦再施惠於民矣
茲免漕糧兩次全粳穀停征七

直省輓輸輪運五為年

命戶部議有漕七省輪
停運艘以五年而週遍

太倉糶

餼原無匱比戶飽溫庶有緣莫匪

天恩幸時泰用敷引養合當然

再倣蘇軾偃松圖仍疊舊題韻

偃松倣以閱廿載

舊圖甲戌年作

境詣欲驗仍歟改曰榦曰枝

雖不殊其情其神畧殊在殊不殊乎松想知揭其妙有

侍臣詩

甲戌倣蘇軾偃松圖即用張照題
蘓卷韻茲再倣仍用前韻題之

東坡豪興示

端倪笑屢傲者誠但讀作燕去聲吹

沈周竹堂寺觀梅圖

古寺荒顏古木森居然城市有山林寺在蘇城內梅花千樹

類誇語沈周詩有竹堂梅樹一千樹之句暇日三人託雅吟畫格詩情

多靜趣儒巾僧帽結同心見周自識語原來境傍行宮近四

度南巡却未尋

詠汝窯餅

定州白惡去聲有芒形見輟耕錄特命汝州陶嫩青口欲其望

銅以鎖底完而舊鐵餘釘合因點筆意為靜便不替花

鼻亦替當日奉華陪德壽

內府有汝窯盤底鷄奉華二字考奉華乃宋高宗劉貴妃

之號妃善畫每用奉華印此研細色製法與盤無異亦刻奉華二字

可曾五國憶留停

新正養性殿

養性新正例有詩為緣歸政紀其期七旬年歲將臨矣

十六春秋且候之

余初願俟春秋八十五歲即當歸政以今歲計之尚隔十六年賀節

即今猶未可

今年元旦尚在二十七月之內故未舉行朝賀慶典隨時愛景自相

宜

西陵指日啟行蹕追憶前春越益悲

題樂壽堂

樂壽由來寓智仁取名別有意焉循謂將歸政斯堂總

當異勅幾此日諄南宗偶同鄙他志

宋高宗居德壽宮自稱樂壽老人高宗未及耄期急

圖內祥意在避事偷安余深鄙之斯堂命名樂壽乃取智水仁山之義後知偶與相同並非襲其稱亦弗改也

西池追憶愴吾神

丙中新正寧壽宮落成恭奉宴慶賞曾有詩紀事

新

正把筆應言吉其奈前題讀丙申

倦勤齋作歌

適百里者半九十以言其勤不可倦文齋居然名倦勤毋乃
吾衷有所變斯有說焉俟他日匪曰今敢圖安晏盱食宵衣
猶恐懈慎終如始應無間屈指十六年之後庶可倦勤待

天卷

題頤和軒

頤和榜軒額歸政擬斯便幾暇偶然憇春光尚未妍循
名非此日責實待他年底以消清晏無過敦簡編

遂初堂口號

芸編挿架古香流擬以他時伴課搜別有全書貯三閣

底須錄目效其尤

宋尤袤有遂初堂書目第就其所見所抄所藏者彙而錄之未能該備今

編緝四庫全書蒐訪海內遺籍及內府儲藏鐫刻擇其佳者謄寫成帙按四部分色裝潢通計每分三萬六千冊建文淵文源文津三閣每閣錄一分弄之縹緗之富實自昔所未有更不必效尤袤之斤斤以書目自炫也

詠程史隆興按鞫事

孝宗初受禪銳志期復古宮中戒晏安習勞御鞍馬

叶

擊鞠殿庭中張帝避風雨一日馬覺疲奔逸入殿廡馬

馳上擁楯垂立扶而下叶夾陛驚失色繼乃頌神武鳴

呼有是哉殿豈試馬所然而有其對乃曾經目覩召南
齊侍即授經諸皇子叶下直乘馬歸馬入齊胃招失魄

遂致病休致還田里叶二事正相同一笑掌堪拊岳珂

方譽之謂符厥藝祖

岳珂載孝宗此事謂與藝祖抵城
挽繫若合符節以譽孝宗之英武

誠不值一喙如珂所紀善馳控者必不若此乃至首觸
於楣猶復擁楣垂立其無能已可概見尚何足譽之有
若藝祖因試惡馬且不施街勒馬逸上城觸楣墜地徐
起追馬騰上事載宋史其可稱在於騰馬而不在觸楣
孝宗何堪比擬適與齊召南之騎
馬入門里楣傷腦同資笑柄耳

詠嘉靖雕漆三星盒

三星像設致虔裡

光明殿旁廡供三星猶嘉靖年所奉祀也

寓意還教作器

陳

是盒刻福祿壽三字雲鶴翔翥其間工作巧而寓意精蓋當時儉醜所用也

福祿壽原修

為己正剛柔那又勤民貪婪豈復問奸相政令大都付
椽人詠物由來堪論世戒之寧在果園珍

題趙雍三陽開泰圖

三百何須詡牧羣三羊足註九三文竭思曾著開泰說
或匪離經創臆云

題宋紫端太平有象硯

瀚時邪說倡豐亨有象因之頌太平可惜端溪一片石
並無其實祇孤名

翠為雲氣紫為霞溫潤而貞製不華畧幸蔡京識文義

較明漆器卦無差

內府有嘉靖雕漆飛龍盒蓋刻泰卦
誤作乾上坤下實由不學無術之故

向曾題句辨證之茲硯畫
卦無差蓋出蔡京所為耳

陝西巡撫畢沅奏報得雪詩以誌慰

三冬日望雪入臘迫益甚誰知西秦間其際優霑審

京畿

自十月初微雪以後三冬未渥時冀臘月間屢作雪意
皆釀而未成顯望甚迫茲畢沅奏西安省城於臘月初

九日至十四日連日降雪除融化入土外積地尚六七寸西安同州各府興安邠乾等州屬亦報同時得雪自五六寸至尺餘不等春地以宿麥為重全賴冬雪培根得此實為農祥增稔之兆

省城及旁郡

土膏潤深飲積猶六七寸利麥可稱訛秦地重宿麥全

賴夏收稔觀此不勝欣西瞻誠慰朕摺中更詳陳接濟

隣疆

民畢沅又稱西同漢興各屬與豫晉壤境毗連商民從渭河販糧者多而漢南各屬運往湖廣者

亦復不少因郵境需糧接濟預飭各屬任其流通毋稍禁遏覽奏更為嘉許

亦早有旨頒五

萬運京康

去臘因京城穀價稍昂曾發太倉麥三萬石令五城舖戶分買減價出售市直漸平因諭

詢畢沅能否復照上年夏間運送京麥之例續行籌辦接濟近據畢沅覆奏尚可於近水各屬倉貯常平及監

穀內酌撥五萬石仍自渭河由隸省運京云云天庾積
麥充裕於輦穀民食尤為有益雖屬為民綢繆而不能
致時和屢豐之無能致時和移粟慙增慄
慙無以自解也

故大學士兼兩江總督高晉輓辭

本以脩隄藉碩謨詎虞病不起中都

昨歲豫省漫口較
大非姚立德等所

能辨因高晉熟悉河防諭率詣工將備馳赴工所
董視堵築不意其忽遭沉痾歿於工所為之悼惜祇緣

下榘虧工屢

祥符之時和驛八堡及儀封之十六堡漫
口皆合而復開屢費工作今時和驛已經

堵閉堅實而儀封之工於臘月十八甫經合龍十九日
忽又壑塌引河亦復淤淺仍須挑濬為從來築河所未
見高晉蓋因積久更值債輓敗事殊
弗成憂慙致疾
高晉之姪高樸在
葉爾羌勒索回人

珍賢並借開採密爾岱山玉為名以牟己利苦累回衆
若非及早敗露幾至釀成事變已屬罪不容誅甚至串
通奸商違家人同其私販玉石至蘇州售賣得價鉅
萬實出情理之外其家人過江寧時曾持高樸稟與
高晉候安高晉並不詰其赴蘇之故轉徇其請給與
回程護粟殊不類高晉所為因傳諭詰責高晉慙怖
引罪自覺無顏病遂因而日積使如漠不關心豈卿也
是而不知愧德又不成其為高晉矣

愁因致疾究忠乎考終入祀夫何恨

前據袁守侗等奏
高晉疫嗽咯血經

久不瘳漸致不能眠食病頗危篤因遣太醫院堂官陳
世官令乾清門侍衛布彥達賚借其馳驛往視并諭高
晉加意調養戒勿力疾親赴工次以冀速痊昨高晉自
奏服藥相投已能進米飲知穀滋味茲忽表守侗等奏
高晉於此月初六子時氣脫而逝為之嗟惋不置高晉
秉公持正察吏惠民為督撫中傑出者即其嫻於河務

一時亦罕有其匹深惜失此得力大臣且念其勤勞王
事詔入祀賢良祠並遣侍衛前往奠醊復其生前降革
處分並予恤典飾終之禮
備至高晉亦可以無恨矣
寧識懷賢痛惜吾

題楊昇蓬萊仙奕圖

祇稱寫照擅傳真布景誰知乃入神

見鮮于樞識語
并圖繪竇鑑

隱三壺惟辨點山融六法不須皴乘雲欲降鶴飛信渡
海而來杯置津借問棋枰相對者孰輸九斛玉為塵

新正

雍和宮瞻禮

舊宮瞻禮例新正輕散春雲旭影明望雪靡神不宗際
撫時于耜欲臨并何當應

禱六霽需無那希膏一意忤齋閣東廂胥熟路憶

親惟念我初生

大和齋

書齋築東壁仰

聖藻顏楣撫序顯春象於人發惠施不同識君子保合

訓

先師寰宇登臺意

早基毓德時

題顧憲成解論語四勿

克己為仁請問目告之四勿訓猶親如何解作莊嚴法
足識斯人學不醇

莊嚴二字出梵經憲成乃以為顏子莊嚴四體是
何言耶更云顏子一身如水晶宮瑩徹玲瓏不復可
以形色求則全捨禪僧涕唾以注聖人之語矣夫不

可形色求佛之所謂空空亦空耳聖門之學正教人
以身體力行求之形色非禮四勿即克己為仁之注
豈有二哉是解也足見憲成之學雜儒墨所謂非聖
無法其東林倡說流而為門戶掉而為禍患不亦宜
乎余故詩以闢之

河南巡撫鄭大進奏報得雨詩以誌慰

月之初四五此間徒惜雲

自去冬以來京城盼雪甚切而正月初四五至今半夜後

即便生雲向晚濃雲密布頗有釀雪之意過午輒復開散每成虛望深為焦急誰知豫乃雨六

寸入地勻

鄭大進奏儀封工次於正月初四日未時雨至初五日酉時止入土計有六寸並據

工之蘭陽陳留考城等縣所報得雨時刻分寸相同雲氣濃厚自可均霑渥澤云云豫省前歲秋禾及去二麥均屬歉收而祥符儀封黃河漫溢被災尤重雖芻截漕多方賑恤尚恐不能人共含哺幸上年七八佈種秋麥甚廣臘雪均已優霑今復得春膏滋渥夏可望豐收閭閻元氣或當藉以稍復惟願

上蒼

佑昨歲豫災重哀哉溝壑民佈麥稱頗廣夏收望實
臘雪雖已報正平雨誠欣聞或可足餅餌稍以濟窶

旋轉荷

天佑額手感謝頻更盼合龍信金隄固河漬

詠漢玉斧珮

玉取溫和斧取斷弦韋合佩義尤彰以云劈正斯為

設曰儀鎧彼失詳

唐書儀衛志儀鎧五色幡宋志乃刻木如斧柄綴小錦五色帶失穿

矣牧野豈曾仗周武月宮雅稱贈吳剛脩成七寶團

界丹桂枝那計短長

題錢穀扇暎圖

武王扇暎紀淮南繪事嘉他藝諫含却憶子輿論子

徒枉為政更名談

得近

且年

發月

麥恩

勤

貧

蔭暘之事不見經史雖亦惠政但子產鄭臣孟子猶
或譏之豈王者所能遍及天下之暘人而扇之哉然
在子書與畫史傳之以諷為政者固其可耳因並識
於後

宋端石百一研歌

猶是端溪老坑石繫何人兮為琢刻近千年矣文房側
斑駁墨鏽黝而澤上頰下昂依古式有義存焉應物格
頰戒其驕昂拱辟復示象焉在周易損上益下其名益

覆手列柱數百一各具眼寓四門闢休理作詩懷周客

我曾效彼體吟什難中

去聲

惟是人情愴

應璩百一詩有宋人遇周客之

語余之誅百一則云百難一中惟人情蓋璩意在百慮

一得其詞隱而未發余則唯恐百慮一失因推及于人

情之難中義較親切耳

即今緜几居其北松煙染翰批簡尺百恐

一失凜君德

正月十四日作

壽康

神御敢重張

但其地宜留為萬萬年奉養東朝不宜安

壽康宮雖向年尊奉

慈闈之所

奉 聖母御容 神位惟恭遇 聖誕令節及
上元前一日敬詣 壽康宮佛前展禮並瞻仰

寶座叩謁以申哀慕今年仍循昨歲
例行詳見戊戌正月十四日詩注 却有

先時禮佛堂此日拜瞻聊寫痛前春

景象益增傷上元誰復問佳節兩歲忽驚近大祥

翟屨繡茵依舊設

音容難覓恨茫茫

山東巡撫國泰奏報通省雪澤優渥復得透雨詩

以誌事

連朝雲霧澤將施傍午仍晴孤望隨

正月十一二及十四五連朝濃霧方

以為可應春霧雨之訝乃未及卓午旋即開霽不意又虛所望為之煩悶誰識節前霰方集

正當山左雨優滋

國泰泰山左通省均已渥霑雪澤茲於正月十二日丑時至午時膏雨稠

密入土現已深透雨尚未止遠近似可霽霑云云覽之欣慰然此時此間微雨作霰落而未成相形益覺增慙

耳彼誠勝此其非飾慰以為慙我自知本是元宵罷燈

事憫農拈筆祇齋咨

詠痕都斯坦玉茄水昏

一握垂垂似白茄根猶帶葉背依花蜀人謾訝以為藕

齊相休稱不削爪冬日飲湯夏日水撫之無跡視無瑕

幾迴吟詠還增愧毀匱難開典守邪

有以廉俸所餘購

得痕都斯坦玉器呈進者乃高樸至葉爾羌藉此為由
向回人短價購覓或強索而不給值種種苦累回衆無
不嗟怨幾至激變且交通奸商盜竊官玉
運至內地私售贖逾鉅萬實為罪不容誅

題舊端石瑞芝硯

生巖似桂却無芳本石應非追琢章晦夜設離三百步

英英早合見其光

見抱朴子

詠三松竹刻筆筒

不期精細期蒼古以樸因之歷久存萬曆甲寅至今蓋一百六十餘年矣

生面畧殊倚修竹幽蘭在手默無言

刻美人把蘭朵

創為鄰鶴有來由

鄰鶴朱松字三松之祖也

善畫而今畫少留刻竹

依然傳片羽可思業亦貴箕裘

題鄒一桂花鳥冊

麻雀梅花

春信番風次第吹棲來瓦雀欲飛遲雖云不過一枝託
却是其間得所宜

碧桃春燕

紅葩於綠葉中開蜀錦天然出院纔盧氏玳梁飛下者
翻身欲剪意還猜

楓葉白頭翁

江楓幾點染霜搖一段秋光入畫描鳥愛紅粧翔不去
得毋疑亦類張昭

枇杷翡翠

或分雄鳥及鳴鳥又別前身與後身

見本草附錄

也識枇杷

為異味啄甘那肯讓場人

紅蓼鵲鷓

小鳥亦知弟與兄行搖且是未飛鳴在原頗有臨淵意
急難仍饒集蓼情

石榴鷓鷃

剖葦區區聲允蟲飛來似妬石榴紅底知聲有吹噓力
曾入張華賦句中

翠竹黃口

黃口嗷嗷待哺初竹間老雀意恍如吁嗟物類有若此
宜廢荀家性惡書

芙蓉魚虎

岸側池中色相映水芙蓉及水芙蓉渚禽莫羨鮮毛羽
利嘴從來慣害魚

恭謁

泰陵起程有作

兩年罷

賀歲一意切瞻

陵霜露與時遠悲思以日增西轅首塗發春樹淡烟凝
四宿程猶隔延眸望不勝

過盧溝橋作

盧溝橋下溶溶水凍解元冰流順軌凌汎桃汎相繼來
伏秋二汎大於此河高隄亦隨之高騎墻艱致永逸爾
咨之督臣及河道惟曰救弊而已矣下口聊可數年延

永定河素稱難治自乾隆乙亥年親臨閱示改由下口
六工彼時方觀承奏云計二十年可無河患今已二十

餘年河流仍得循軌頃台見督臣周元理及河道蘭第
錫詢及永定河情形據奏下口近年逐漸淤高遇伏秋
大汛防護頗為不易惟於冬間挑挖河身二千餘丈深
以四尺六尺為率寬以八丈至十八丈為率俾盛漲時
河溜可以循行不致旁溢然亦不過補偏救弊之法約
計尚可延數年云云永定河工欲期一勞永逸實無善
策祇可盡人力補苴惟祈
天佑 神助庶得長慶安瀾耳 數年已後如何理自問
實亦乏善策何以責人蒿目視

麥色

郊外芊芊麥色青近依官路遠煙垌去秋雨足播種廣

望雪因之越不寧

土膏覘起正春初潤護麩根尚沃如旬日情知猶可待
特因可待益焦予

豫省齊郊雨雪優兩疆皆以麥為秋設豐運輸去聲應勝

此山東河南秋種麥甚廣冬雪春雨亦俱屢次優霑
麥可期豐稔庶運販流通兩省農氓並資利益較之

繳封麥熟所係尤重但此亦吾民且近在三地亦民
輔尚未能渥被甘膏盼望之深益增愁緒矣

轉為愁

半壁店行宮晚坐

石橋行館駐茲仍凍解新波弱未興一撫流陰驚若逝

試思昨事感何勝
暖蒸霽景雲其吐
晚傍春山煙欲凝
勒壁每多板

輦句擬尋舊况歎無能

過易州

麥色西來日以深
問知三寸被春霖

詢之周元理奏云
涿州房山霸州易

州涑水等處俱於正月望
前數日各得雨二三寸

寧毋對此農民慰轉為

去聲迤

東盼切心

行行更復見新耕
土潤犁翻香勃生
却是近京偏闕澤

欣無底惡念交縈

西峯傍晚復生雲其雨延眸望以勤所冀一犁三輔偏
歷冬久矣待誠殷

恭謁

泰陵

秘寢西東望每來先謁趨悲心履春露淚眼眇雲衢

勤治無過矣增哀有是乎一遵丁巳戊午例前此值皇考大

事於丙辰安奉泰陵丁巳戊午二年中各兩詣展
謁茲 聖母大事自丁酉五月安奉泰東陵亦

遵前例於上年今年
仍各兩次親詣謁祭
疎數敢逾吾

恭謁

泰東陵

前春那可思終古不忘悲駒影纔一瞬

鳳重別再期燧鑽驚兩改

膝統歎長辭翼日

明樓下

會典

寶城前陳奠

初週大祭應於

再週大祭同

再週大祭同

再週大祭同

再週大祭同

再週大祭同

再週大祭同

椎心厲祝詞

御製詩四集卷五十五